



Centro Nacional Chega! I.P

Da Memória à Esperança

KOMUNIKADU IMPRENSA

Inagurasaun Edifísiu Sentru Arkivu Centro Chega! Foun, Espozisaun Arkivistika No Semináriu Nasionál.

(Díli, 09 Juño 2026) – Centro Nacional Chega! I.P. hala’o atividade tolu importante, **Ida**, halo inagurasaun ba Edifísiu Sentru Arkivu Centro Chega! Foun. **Rua**, halo mos lansamentu ba Espozisaun Arkivistika. **Tolu**, halo Seminariu Nasionál kona-ba Politika no Enkuadramentu Juridiku Arkivu no Sibernetika. Atividade hirak ne’e hala’o iha Antigo Comarca Balide, Dili.

Objetivu husi inagura Edifísiu Sentru Arkivu Foun nu’udar sentru ba prezervasaun arkivu no dezvoltamentu sistema dokumentasaun modernu iha Timor-Leste. Objetivu seluk mak, atu introdús facilidade no funsaun sira husi Edifísiu Sentru Arkivu Foun ba públiku. Atu hametin konxiénsia públika kona-ba importánsia arkivu no prezervasaun memória istórika. Atu hatudu koleasaun arkivu istóriu sira liu hosi espozisaun públika.

Inagurasaun Edifísiu Sentru Arkivu Centro Chega! Foun nu’udar pasu importante ba hametin nasaun ninia kapasidade iha jestaun arkivu. Ho Sentru Arkivu Chega! Foun dezeña atu hasa’e padraun sira prezervasaun nian, suporta esforsu dijitalizasaun, espanda asesu públiku, no asegura protesau longu-prazu dokumentu istóriu sira.

Inagurasaun Edifísiu sentru arkivu foun ne’e mos nu’udar selebrasaun ida ba Timor-Leste ninia kompromisu ba memória, koñesimentu, no progresu institusionál. No sai hanesan konvite ida ba públiku, matenek-na’in sira, governante sira ne’ebé halo desizaun política, no parseiru dezvoltamentu sira atu reflète hamutuk kona-ba papél arkivu nian hodi forma sosiedade ida ne’ebé informadu no prezerva fundasaun istóriu sira nasaun nian ba jersaun sira tuir mai.

Sentru Arkivu Chega! Foun ho facilidade foun hodi reflète Timor-Leste ninia kompromisu atu desenvolve sistema arkivu ne’ebé modernu no resiliente. Sentru Arkivu Chega! foun ne’e kontrui ho finansiamentu husi Orsamentu Geral Estado (OGE) ne’ebé reflète Governu ninia kompromisu ba prezerva memória no hametin infraestrutura arkivu públiku nian, ho facilidade no sistema tékniku sira arkivu nian ne’ebé instala iha sentru arkivu foun ho apoia husi United Nations Educational, Scientific and Cultural Organization (UNESCO) no Korea International Cooperation Agency (KOICA) liu husi kooperasaun internasionál no inisiativa parseria institusionál sira.

Iha oportunidade hanesan, **halo lansamentu Espozisaun Arkivistika**. Espozisaun arkivistika hanesan atividade edukasionál ne’ebé demonstra koleasaun arkivu istóriu selesionadu sira ne’ebé prezerva no jere husi Centro Chega! I.P. Materiá sira espozisaun nian inklui dokumentu istóriu sira hosi períodu konfliktu no rekonsiliaun nian, arkivu audiovizuál sira kompostu fotografia istóriu sira hanesan karta sira, relatóriu sira, no sasin sira, koleasaun arkivu dijitalizadu sira, dokumentasaun kona-ba prosesu prezervasaun no

konservasaun. Espozisaun arkivistika ne'ebé hatudu kolesaun istóriu selesionadu sira promove importánsia atu prezerva patrimóniu dokumentál nasaun nian.

Alende ne'e, iha mos atividade **Semináriu nasionál kona-ba Política no Enkuadramentu Juridika kona-ba Arkivu no Esbosu Lei Sibernetika**, nu'udar plataforma ida ba diálogu kona-ba jestaun arkivu, transformasaun dijitál, no futuru jestaun informasaun iha Timor-Leste. Atividade seminariu ne'e hala'o atu diskute dezafiu no oportunidade sira jestaun arkivu nian iha era dijitál sibernetika, atu hametin rede kolaborativu entre instituisaun arkivistiku sira, akadémiku sira, governu, no sosiedade sivil. Atu diskute kona-ba politika no enkuadramentu juridiku kona-ba arkivu no sibernetika Timor-Leste nian.

Semináriu nasionál ne'e nu'udar forum diskusaun kona-ba politika no enkuadramentu juridiku (policy and legal framework) konaba arkivu no sibernetika ne'ebé halibur reprezentante governu, membru parlamentu, sosiedade sivil no parseiru internasionál sira hodi diskute konaba politika no enkuadramentu juridika arkivu no sibernetika nian. Tópiku xave sira inklui urjénsia hosi Lei Arkivu Nasionál no Lei sibernetika ne'ebe mak dadaun ne'e governu prepara hela.

Enkuantu Timor-Leste kontinua hametin ninia sistema governasaun, edukasaun, no jestaun ba informasaun publiku, papél arkivu nian sai signifíkativu tebetebes. Sentru arkivu la'ós de'it hanesan fatin ba rai kolesaun dokumentu administrativu sira, maibé mós sai hanesan memória viva nasaun nian. Nia prezerva istória, esperiénsia, evidénsia sira ne'ebé forma identidade kolektiva, suporta peskiza istória, promove transperénsia no akuntabilidade, no asegura katak jerasaun tuir mai kontinua aprende lisaun pasadu nian.

Entertantu, atividade hirak ne'e hala'o nu'udar abertura ofisiál ida ba Edifísiu Sentru Arkivu Centro Chega! Foun iha Timor-Leste. Centro Nacional Chega! I.P hanesan Institutu Publiku ne'ebé dedika ba prezerva memória istória Timor-Leste nian, promove edukasaun direitu umanu, suporta iniciativa memorializasaun, no hakle'an komprensuaun públiku nian kona-ba istória pasadu, rezisténsia, rekonsiliausaun no harii dame.

- Remata -

Ba informasaun liu tan kontaktu:

Raimundo Sarmiento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P. *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabese ho dekretu Lei n.º. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória passadu nian, moris iha dame, no respeito ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasionál no internasionál hodi reforsa rede servisu sira ba implementasaun rekomendasaun sira husi Relatóriu Finál *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Obrigadu!